

Kevin Foster MP/AS
UK Government Minister for Wales
Gweinidog Llywodraeth y DU dros Gymru

T: 020 7270 0575
E: Correspondence@ukgovwales.gov.uk

26 Mehefin 2019

Annwyl Gyngorydd Siencyn,

Cynllun Twf Gogledd Cymru

Diolch am eich llythyr dyddiedig 28 Mai 2019, pan wnaethoch godi nifer o bwyntiau ynghylch Cynllun Twf Gogledd Cymru a'r canolbwynt HS2 arfaethedig yn Crewe. Fel y gwyddoch, mae Llywodraeth y DU a Llywodraeth Cymru wedi gwneud trefniadau i gynnal sesiwn her gyda'r sector preifat a sesiwn her ar y cyd rhwng y llywodraethau yn y Gogledd yfory. Edrych ymlaen at ein trafodaethau, a gobeithiaf y bydd y ddwy sesiwn yn braenaru'r tir tuag at gytundeb Penawdau'r Telerau ar gyfer Cynllun Twf Gogledd Cymru.

Fe wnaethoch godi rhai pwyntiau ynghylch sut allai HS2 fod o fudd i'r Gogledd. Rydw i a'r Ysgrifennydd Gwladol yn cefnogi gweledigaeth gorsaf Canolbwynt Crewe a allai hwyluso gwell gwasanaeth trên HS2 a gwella perfformiad, hyblygrwydd a gwytnwch yn yr orsaf. Gwneir penderfyniadau ynghylch amserlen ar gyfer gwasanaeth HS2 yn y dyfodol pan fydd Partneriaeth Arfordir y Gorllewin yn ei lle. Yn y cyfamser, yn ein cynlluniau gwasanaeth dangosol (a ddefnyddir ar gyfer modelu i hysbysu'r achos busnes ac asesiadau capasiti) rydym yn tybio y bydd y gwasanaeth uniongyrchol bob awr o Lundain i Gaer/Gogledd Cymru yn parhau i weithredu patrwm amseroedd teithiau, amllder ac arhosfannau tebyg i'r hyn a geir heddiw.

Ym mis Mai 2019, clustnododd yr Adran Drafnidiaeth £9.5m i Network Rail i barhau â gwaith dylunio manwl ar gyfer cynllun gorsaf a fyddai'n galluogi i bob gwasanaeth teithwyr sy'n galw yng Ngorsaf Crewe aros wrth blatfformau sydd o fewn prif adeilad yr orsaf. Mae'r cynigion hyn yn cynnwys adfer platfform 13 fel dewis amgen i blatfform ar Linellau Annibynnol Manceinion, a gynigiwyd yn wreiddiol ym Mil hybrid HS2 Cam 2a. Byddai hyn yn gwella profiad y teithwyr ac yn lleihau amseroedd cyfnewid yng Ngorsaf Crewe. Yn ddarostyngedig i Achos Busnes Llawn a fforddiadwyedd, mae'r Adran Drafnidiaeth yn disgwyl gwneud penderfyniad o blaid y cynllun newydd hwn yn ystod haf 2020.

Kevin Foster MP/AS
UK Government Minister for Wales
Gweinidog Llywodraeth y DU dros Gymru